

天台藏

大般涅槃經疏

第一冊

湛然寺
印行

款次甲子年菊月敬刊

第一册

大殷涅槃經疏會本

板存四川成都文殊院

大般涅槃經疏

第一冊

印行者 湛然寺

地址：台南市忠義路二段38巷8號
電話：(06)二二二八五一八
郵撥：〇〇三四二三〇一—一聖禾帳戶

承印：祥光彩色製版社
地址：台南市東豐路53巷31號
電話：(06)二三七二五七三
二三七八三六六

中華民國八十八年一月依普門會性老法師所藏木版原書影印一千部

八相成道。五姓周旋。唇焦舌敝。塵說刹說。唯解二乘。五蘊之衣。權唱實唱。總釋眾生。三毒之縛。

五時八教。頓漸齊收。末後拈花示眾。唯期人人證入。人天百萬。含笑爲誰。自大法東來。不乏龍象。一棒一喝。通身粉碎。瞬目揚眉。言下知歸者。又不啻幾百千億也。屈今去聖時遙。正信者稀。唯各出涅槃一經本具。

究竟圓滿。無餘之極果。後諸經家。判立五重立義。以顯三德。復分三德。而導歸涅槃。且諸家雖切宏法。利生之心。不無各有所局之漏。嗟乎法不逗機。普化奚及。欲得師門之近迹。端賴佛地之遠本。茲有

先照法師者續

台宗之髮脉。荷 諦老之心傳。授講席於空林。演大法於蜀郡。詳叅諸註。多未圓普。於時堅凝正心。融會一貫。五載成帙。題曰涅槃會本。或半或滿。聖凡俱攝。是顯是密。自他同化。願諸讀者。會歸覺性。一念孤光。叅照雙行。功深日久。豁然頓斷識根。身心脫落。圓滿三德。庶不負

世尊一場饒舌。不然一翳在目。仍不免妄認空華耳。民國十二年歲次癸亥月建甲子恭逢

彌陀聖誕日大峩眉山接引殿住持聖欽敬識

大般涅槃經疏合刻會本自敘

原夫乘時設教者。本隨大小機緣所屆。苟有所求。無不接引。然接引之餘。咸使自證。性具圓宗。一乘之旨。冠冕十二部契經。急待大心凡夫。起而持任。而堪任一乘者寡。故權設三乘。所以靈山法華高會。開前兼但對待之教。會彼三五七九之機。機則始成佛人。教則終歸一實。教行人理。純一無雜。迹門開顯。始記八相本門開顯。終至一生。雖二處三會之談。本懷獨暢。然有五千退席之流。人天被移之類。此等殘機。不堪一乘。是故如來。慈悲憐憫。開顯之後。轉入雙林。放光

二升... 召請五十二眾。此土他方。普設大供。四十由旬。地及虛空。是乃涅槃之緣起也。

原夫如來受純陀最後之供。對當機明五法之施。對比丘而說新伊。對菩薩以談常住。如純談佛性。百句非處。百句解脫。安置諸子。祕密藏中。迦葉對揚。修涅槃五行。德王助發。證十種功德。處處宣揚。常樂我淨。拈拾之教。罄盡無餘。佛慈攝受。末世機宜。於佛法中。起斷滅見。忘失法身。天傷慧命。如來懸見。大不忍心。設三種權。扶一圓實。戒乘俱急。故追說四。扶律談常。意在斯畢。迦葉如來。人壽時長。法華以爲。後教後味。

德帶二明圓般若大會對大莊嚴說無量義。一多互容。偏圓普會。會歸法華。一乘圓極。大論而爲指南。大經以扶宗致。所以頂祖大疏。疏釋涅槃。置之藏海。秘之高閣。舉世罕聞。焉能目悅。

晚學

因校涅槃入藏討

疏。方始見聞。願會經疏。校畢回山。茅蘆孤獨。有經無疏。其力不足。後訪眉山。借得古疏。始冬月中。焚香秉筆。經歷寒暑。五載告竣。釋御題首發大心。千佛岩以補不足。胡松儒宋字魁首。明文光刻字精工。因斯助緣。告竣始終。聊申數語。悉達後賢。文語義拙。未稱普通。願經疏至處。法輪常轉。閱會本者。得證涅槃。若見

法若橫亦非二德。橫如書川。縱如走火。當知三法。不縱不橫。不竝不別。如首羅一面三目。如世新八字。卽三而一。卽一而三。非三非一。而一而三。成祕密藏。言說之道。豈思議哉。若能一指染神。永爲道種。見聞隨喜。發菩提心。法界衆生。同證四德。是爲序。

峇維

世尊降生二千九百五十年。佛成道日。寄住蜀南彭

山縣河東惠雲草蘆

惠雲居業

峇維

天台宗黃岩嫡裔卓三法師

門學

釋先照和南謹序

大般涅槃經疏合刻會本凡例

按凡經所說。通於五種。所謂佛及聲聞。天仙。化人。在後四說。佛爲印可。通稱佛說。若世之禮樂征伐。出自天子。容濫及餘說乎。今涅槃經者。則有菩薩。并及魔外所說。云何會通。然菩薩當機。猶華嚴般若之例。魔屬天道。外卽仙人。今經反照高山。大機對揚。既有摺拾之教。何妨權小。故西乾大士。造論申經。東土諸祖。疏通經義。然其爲疏。不惟不混乎經。卽其撰疏。亦各自爲帙。此信古傳述之徵也。奈何末世初機。大都憚煩樂便。姑倣先賢。合會經疏。令欣樂者。舉目瞭然。又

考覈科目亦歸乎一轍。今遵頂祖之疏。九祖再治。若科若文。順其條理。經既雜於魔外。疏會豈妨聖凡。雖懼牧女水乳之誠。猶冀雪山一偈之傳。真俗竝融。圓中道底。攝受三五七九之機。故有追說。息彼兼但。對帶教詮於追泯。雙林極談。功畢於斯。惟具眼者鑒之。

一經文前有二十五品。共四十卷。後分四品。共二卷。疏及再治。共三十三卷。後分疏共壹卷。會本共記四十八卷。前玄上下。及尾餘增。爲五十一卷。

一標題直標。經疏會本。蓋經卽涅槃。疏卽釋疏。會本兩攝。庶二函同貫。於義爲妥。

一經文譯人。前經四十卷。兩番譯人。原北涼天竺三藏曇無讖。後分經文。唐沙門若那跋陀羅。與會寧等譯。故首標譯。

一疏本。隋代章安頂法師。原天台五祖師自序云。推度聖文。凡歷五載。何年不見兵火。何歲不見干戈。菜食水齋。冰牀雪被。其勞苦有如此者。疏成烈火焚之。不熱。嘉祥瑞應若此。

一再治者。唐天台沙門湛然。原九祖也。天寶大曆間。朝廷三詔。並辭疾不起。於是大啟妙法。旁羅萬行。卽文字以達觀。導語默以還源。若科若文。爲詞爲

義發頂祖之妙蘊。功冠諸家。有私謂之脉。卽九祖
言詮。疏及再治。昭若日星矣。

一會本者。清天台晚學先照。於光緒間。聽學江浙。十
有餘年。皈心天台。嫡裔卓三老人座前。始知心外
無法。方脫文字之纏。民國八年。於蜀彭山。惠雲草
蘆。秉筆始錄。僧俗絕交。來往亦疎。面對經疏。焚香
炳燭。稽首和南。然後方書。

一會本字跡。仍本通俗。經文每遇。斷磨陳縣沈閒字
等。是古老所作。討字決法。非通儒禪客。淵明蘇軾。
博士完人。而所執定之。書同文。而車同軌也。考覈